



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput VII.

urn:nbn:de:hbz:466:1-29452

Dei propter Christum promissa exhibetur per fidem: qua accepta, sequi debet obedientia Legis. Et sic placet Deo, quia per fidem persona iustificata est, habetque sua præmia in hac & post hanc vitam, 1. Corinth. 3. Non ergo Lex, id est, bona opera destruuntur, sed statuuntur, quia docetur quòd debet esse fructus iustificationis, qui ostendunt & declarant adesse iustificationem in homine. Et quia Deus propter suam promissionem gratuitam vult credentes in Christum iustificare, sequitur quod nec opera præcedentia fidem aut sequentia, iustificanc effectiuè, sed benè declarant & ostendunt. Soli ergo Deo gloria propter suam immensam misericordiam.

CAPVT VII.

ARGVMENTA.

1. *Quomodo clarè & rectè intelligitur, quòd fides iustificet absq; operibus legis.*
2. *Quid per opera legis intelligi velit Apostolus.*
3. *Quòd non reijciuntur bona opera, sed exiguntur, ac sola falsa opinio de illis reijcitur.*



Postolus vbiq; quærens ac laudans gloriam gratiæ Dei, Ephes. 1. apertè inquit Rom. 3. Arbitramur hominem iustificari fide absq; operibus legis, hoc volens, cum origo & causa nostræ iustificationis & salutis dependeat & consistat à promissione Dei, quòd Deus propter suam bonitatem & misericordiam promisit se nobis velle misereri propter Christum in quem credimus. Et illum constituit solum propitiatorum nostrum, propter cuius sanguinem nostrum vult misereri, Rom. 3. Non proposuit Deus aliud propitiatorium, propter quod promitteret se velle nostrum misere-

1.

miser-

misereri, nullum opus, iustitiam, meritum hominis, sed solum vnicum Christum filium suum. Ideò quia fides assentit, credit huic promissioni, & vult sibi exhiberi gratiam promissam propter Christum, & in nihil aliud respicit, nisi in solam gratiam promissam in Christo, & illam cupit: ob id dicitur, quòd fides iustificat, id est, apprehendit promissam gratiam in Christo: hoc enim nullius opus facit. Nam fides oportet præcedat omne opus: quid enim est opus absque fide? Fides ergo in homine primus actus & opus hominis est, qua promissioni diuinæ creditur, & qua apprehenditur. Summa igitur salutis in hoc dependet, credere & assentire promissis Dei, & non specialia nobis constituere propitiatoria sine voluntate & commissione diuina: Ergò fides credens diuinæ promissioni, iustificat, apprehendit gratiam promissam propter Christum, cum ob id fides dicitur iustificare, propter apprehensionem, non effectiuitatem.

2. Per opera legis Apostolus vult intelligi etiam opera ex fide facta, post acceptam iustificationem, vt probet nulla opera omnino, quantumuis bona, iustificare. Nam Galatæ crediderant in Christum, fide iam iustificati erant, & virtutes atq; miracula etiam operabantur, Galat. 3. Et fides quæ operabatur virtutes in vobis, &c. Non ergò opera eorum erant ex viribus carnis antè fidem sine Spiritu Sancto, sed erant opera verè bona in lege præcepta ex fide, operante in eis Spiritu Sancto, facta: Et tamen quia paulò post seducti à Pseudopostolis, incipiebant eisdem suis operibus tribuere vim iustificandi effectiuam: ideo Paulus vocat eorum opera, opera legis antè fidem aut post fidem à iustificatis facta: iustificant autem, quia iam fides absq; operibus apprehendit gratis misericordiam. Deindè Abrahæ opera fuere præstantissima, obtulit filium suum, Gen. 22. Obediebat Deo, reliquit cognationem & patriam, Gen. 15. Et sic erant opera

perã
quan
ferri
tum
stific
neq;
credi
vult
nunc
3. nos
bus
mere
grati
iapie
iustit
appre
mur,
ribus
perã
quæ
dicit,
intell
ficat
tur iu
sumn
tionem
Du
bona
nò ex
mus
tiam,
alio, h
ne, hic
ficio M
tiam p
tendit

perā eius ex fide facta, id est, post fidem, vt nemo quisquam ei comparari operibus suis possit, nedūm preferri. Attamen Apostolus negat Abraham iustificatum ex operibus, Rom. 4. ergo nulla alia opera iustificabunt, nulla igitur opera effectiuē iustificant, neq; antē neque post fidem, sed fides quæ assentit & credit huic promissioni, quod Deus propter filium vult misereri credenti, illa facit, vt Deus iustum pronunciet peccatorem. Insuper dicit Apostolus Rom. 3. nos iustificari gratis per gratiam Christi Ex operibus autem iustificari, non est gratis, quia operanti merces imputatur secundum debitum, non iuxta gratiam, vt 1. Cor. 1. quod Christus factus est nobis sapientia à Deo & iustitia, &c. Si ergo Christus est iustitia nostra, & nos Christum nullo opere, sed fide apprehendimus: manifestum est, quod fide iustificamur, non operibus. Ex quo sequitur, quod qui operibus suis quantumuis bonis iustitiam tribuit, ille opera manuum suarum adorat pro Christo filio Dei, quæ est summa idololatria. Et quod Iacobus 2. cap, dicit, Abraham operibus iustificatum esse, non potest intelligi de iustificatione effectiua, sed tantū de iustificatione declaratiua, quia opera ostendunt & testantur iustificationem esse veram & completam siue cōsummatam: quæ si non sequuntur fidem siue iustificationem, certum est ibi nō esse iustificationem veram.

Dum tribuitur iustificatio fidei, non abiiciuntur bona opera ne fiant: obedientia enim legis necessāriō exigitur, sed falsa opinio scilicet illa, quod putamus nos nostris operibus posse & velle mereri gratiam, iustificationem & salutem, hic hoc modo, alius alio, hic ædificio, stipendio largo, alter peregrinatione, hic suffragijs sanctorum vult saluari, alter sacrificio Missæ vult liberari animas &c. hic per obseruantiam præceptorum Dei Nemo enim ponderat & attendit promissionem illam Dei, quod solūm propter Christum

Christum vult misereri & exhibere gratiam credenti & pœnitenti, Act. 10. Ioan. 3. quod illū constituit propitiatorium nostrum, Ro. 3. Sed si quisquam vult hoc trahere ad opus suum operatum, putans, quòd Deus propter illud velit misereri, quando hoc nō promisit &c. ideò hæc falsa opinio reiicienda est, non studiū bonorum operum. Alius ergo finis tribuendus est operibus nostris, quàm iustificatio & salus, scilicet retentionis beneficiorum Dei per Christum, & gratiarum actionis. Et quia sunt nostra sacrificia & obedientia erga Deum, & etiã quòd habeant sua præmia hinc & in futura vita. 1. Cor. 3. Vnusquisq; mercedem accipiet secundum suum laborem. Hoc iam certamè Ecclesia habet: Nam sinceriores docent, quòd promissioni diuinæ sit credendum & assentiendum. Et hanc fidem Deus acceptat, & ex sua misericordia nos iustos pronunciat: at sunt qui hoc operibus tribuunt, scilicet quòd propter illa, & non propter fidem promissionis diuinæ, iusti pronunciantur. Ergo audienda est sententia Pauli, qui arbitratur fide & assensione promissionis diuinæ iustificari, & nullis operibus nec antè aut post fidem. Credere ergò verbo Dei, ac promissioni diuinæ, facit quòd iusti pronunciamur, non opus operatum nostrum. Nota, Fides vera iustificat, id est, principiò apprehendit, cupit promissam misericordiam in Christo, sed sola non manet: nã statim post apprehensam Dei misericordiam per fidem in Christum datur Spiritus Sanctus, quo incipit per charitatē operari fides, Gal. 5. Dei præcepta seruare in gratiarū actionem, castigare corpus, &c. quibus non meretur iustificationē iam gratuitè acceptā, sed alia præmia. Si enim hæc opera non sequerentur iustificationem fide acceptam, non retineretur iustificatio: attamen hoc signanter oportet notare, quòd remissio peccatorum primò fit antè donationem Spiritus Sancti, & omne opus bonum apprehensa iustificatione per

ne
ritu
fru

1.

2.

3.

nob
misi
cept
tuit
mni
ater
Deu
& C
fides
gna
tribu
In
mus
stum
ater
pter
filio

ne per fidem, eodem momento eadē fides accipit Spiritum Sanctum, qui statim accendit & operatur suos fructus.

CAPVT VIII.

ARGVMENTA.

1. *Quomodo fides vera solum attendit & ponderat promissiones, & illis assentit in re iustificationis:*
2. *Quomodo leges, opera, caremonia ac ritus extra estimationem iustificationis seruati, non nocent, nec derogant fidei.*
3. *Quid sit excidere à Christo & fide.*

Fides est aliud nihil, nisi assentiri promissionibus Dei, & contentari illis, non aliud medium querens iustitiæ & salutis quam quod Deus proposuit & obtulit, id est, Christum, propter quem vult nobis misereri gratis, Roman. 3. Hoc sic statuit & promisit quare per nullam aliam rem aut medium acceptari potest iustitia & salus, nisi illo quod Deus statuit & proposuit. Sic dedit vnigenitum suum, vt omnis qui in illum credit, non pereat, sed habeat vitam æternam. Nostra ergo opera non sunt media, per quæ Deus promiserit se nobis misereri: sed bonitas illius & Christus, propter quem promissa est gratia. Hoc fides certò tenet & credit, attendit & ponderat. Magna ergo res est, credere diuinę promissioni, ac illi tribuere vim effectiuam iustificationis.

Insuper Christianum facit hæc Fides, quòd credimus diuinę promissioni, scilicet quòd propter Christum acquirimus per fidem iustificationem & vitam æternam. Hoc etiam vbique docet scriptura nos propter Christum exaudiri, esse gratos Deo Patri, esse filios Dei, & hæredes regni Dei, Ioann. 16. & Ioann. 1. Rom. 8.

Rom. 8.